




مشار و الواع الأسبوعي



مجدای عبد انرجیم علی



مشهد الوداع الإسبوعي

مجدى عبدالرحيم على



رئيس مجلس الإدارة د.مــصطفىعلوي

أمين عام النشر مصطفى السعداني

مدير عام النشر فكرى النقاش

المشرف الفنى غيب نبار

مدير التحرير محمود الحلواني

سكرتير التحرير طـــارق هــاشـــه

الهيئة العامة لقصبور الثقافة

إبداعات / (شهرية) / العدد ٢٢٣ مشهد الوداع الاسبوعي/ مجدى عبد الرحيم على مراجعة لغوية عبد الناصر أحمد

> الطبعة الأولى رقم الإيداع / ١٩٩٩ /٤٠٠٤

المراسلات: باسم رئيس التحرير على العنوان التالى ١٦ أش أمين سامى - القصر العينى رقم بريدى ١١٥٦١

الإهداء

- إلى.. أمى الحبيبة ..

رفيقة رحلة الشقاء والصبر

ربما تصل السفينة يوما إلى برالأمان

- إلى..هدى..فاطمة الزهراء..

.. حبات السكرفي فنجان أيامي المر

- إلى .. سامية عبد الرحيم

قلب أبيض.. في عالم متلون

مجدى عبد الرحيم على

الكون ده صغير قوى وحياتنا ثوانى وحياتنا ثوانى والخوف ده شوارع .. ومونسها زعيق العربيات

... ...

• • • • •

ھو ..

متخفی ف دردشه تافهه عُمال یطول فی الوقت خایف یرجع بیته من تانی وحید بین أربع جدران ... وسقف ...

ولمبه خايفه تنور لا تصعدي الأحزان.

• • • • • •

ھی ..

ما عادتشى زى زمان تضحك نفس الضحكه الرايقه ..

اللى صابت قلبه ف مقتل يوم ما قالت له أول مره: بحبك

...

الكون ده صغير وحياتنا ثوانى في ميعاد من غير ترتيب الشمس ..

طالعه وفرحانه باین فی عینیه بوضوح مدی شوقه إلیها وإیدیه لإیدیها بتجری کان سهل علیه جداً ..

إنه يسامح كان لسه الجرح كبير صعب تسامح مع إن الكون ده صغير وحياتنا ثواني راجع تانی وحید .. وهي بتحاول تضحك نفس الضحكه الرايقه من غير ما تصيبه ف مقتل

مع إنك كنت مخبى عنيك جوه النضاره السودا ماسك منديك في إيديك ... ومعلى الراديو على الآخر .. ومحضر كدبه على لسانك .. للحظه اللي دموعك ... هاتخونك فيها حالف ما ها ترجع م المشوار ده مهزوم في مشاعرك تاني .. الصوره بتجرى في عيوني .. وانا راكبه العربيه معاك الصوره دی يوم ميلادی والصوره دي يوم سبوعي

والصوره دى يوم مارحت المدرسه

صوره مش راح تتنسى يوم ما عنك بعدوني ودى صوره في يوم ... ودى أخر صور الألبوم مشهد وداع الإسبوع ده . قربنا خلاص م البيت حاسب مالك سرحان عامل إنك فرحان دقات قلبك بتزيد صوتك مليان تنهيد فين النضاره.. المنديل ..؟ الراديو فى دموعك غرقان راجع مهزوم في مشاعرك تاني لكن ما انتاش وحداني ده ف قلبك بيتى وعنوانى ده ف قلبك بيتى وعنوانى

البنت الحاوه

البنت الحلوه الأموره اللى عشانها .. ملیت حجری حکاوی وانعلمت العب (أولى) البنت الننوسه .. الماشيه ف ضلى .. وبنقلدني وتصلى معايا وتتشعلق في رفبتي .. وتطبطب على صدرى .. وتخربشني في وشي .. وتركب فوق ضهرى .. وتقول لى ... امشىي ..

البنت المقعوصة ..

اللي استلفت عشانها ..

أفراح الدنيا ..

بضمان عمرى وأحزاني ..

لاجل ما تسعد ..

وأدارى جوايا جراحى ..

لما باشوفها ويا الضحكه ..

بتلعب ..

واتنطط وياها زي العيل ..

واخطف من أيامي ..

دقايق حلوه ..

معاها ..

قبل ما ترحل ..

البنت المزروعه في كياني ..

عاوز اشوفها من تانى ..

علشان واحشانى ..

على ناصية .. شارع قلبى المهجور المطره .. عماله ترخ والعصفور .. مش لاقى الشجره والعسكرى .. خایف م المطره والضلمه .. مواعده الليل على سهرايه طويله تمام أول ما القناديل جوايا

تعزف لحن النوم ..

اليومى ..

المعتاد

على ناصية ..

شارع قلبي

باخاف أدخل نفسى

أتسحّب بشويش

سامع ..

كونشيرتو الوحده

ضجيج

أحلامي ..

تعبت على الآخر

طالعه على السلم ..

تتًاخر

تتدحرج للشارع ..

من تانی ..

ترتاح ع الأسفلت ..

. . . . تناااام

.

. . . .

على ناصية ..

شارع قلبى ..

بيوت

من غير شبابيك

مسكونه ..

بطعم الموت

بتخاف منها العفاريت

وبيصرخ ..

حواليها البوم

والكون ده سراب

وانا قلبي

مش لاقى اصحاب

متكور

ع البسطه الرابعه

من شارع عمرى

ء وبدور

ع الشعره البيضا النابته .. ف راسى وبتعلن إنى - خلااااص -مسافر مسافر

امسح .. من على وشك حزن الأيام الصعبه إيه يعنى .. جميع أحلامك تتهد والزلزال للشارع ..

يرميك

إيه يعنى ..

لو جواك ..

الألف جدار ينهاروا

وحبيبتك بتقولك ..

بای .. بای

حبك معدوم الصلاحيه

أصل أغاني الحب ..

الأيام دى ..

مش ولا بد

ومعانى الصدق ..

من النوع الزايف

حتى الحضن الدافي ..

اللي ..

بيدارى برد الليل ..

. تقلید

يا اااه ..

فاكر نفسك .

زی زمان

عاوز ترجع تانی ..

تمشى على الكورنيش ..

وتقزقز لب ..

وتطير مع صوت فيروز ..

وتروح القلعه ..

وتبكى مع ترتيل ..

الشيخ (رفعت)

وتشم عبير الماضى

باين قلبك عجز محتاج عمليه تغيير غرف الإنعاش .. مش ممكن تقبل .. واحد زيك .. تعرف .. تعرف .. تعرف .. ثانا مرة نزلت السوق شفت قلوب للبيع شفت قلوب للبيع الأسعار ..

منناول إيدى بس انت مبرمج نفسك على قلب قديم

مش موجود

.

تحذير

الشعر الأبيض ..

زاحف على راسك

رغم الضحكه ..

المرسومه ..

ف وشك ..

الصوره هتطلع ..

في النيجاتيف

مليانه ..

٢

7

و

ح

• •

. . .

. .



علشان بتعوم ضد التيار وتامن للأشرار وتملى عنيد وبتعشق من غير تعقيد وتغنى لأحلى عيون مجنون .. مع إنك ... مش ممكن أبدًا تهدم عش لعصفور ولا تتحمل رعشة قلب لعيل خايف، مذعور ولاحتى تفكر لحظه توقف ساقية أحلامهم ..

لما تدور

وان النوم بيطير ..

من عينك

لما تشوف إنسان مقهور

وان دموعك غاليه عليك

لكن مش بإيديك

تقدر تمنعها ..

لما تحس ...

بلحظة ظلم اكبر منك

وان العمر بيهرب ..

منك

وانك مخنوق

خليها تنزل أحسن لك

وبلاش تداريها

تمسح عنك كل همومك

اللى انت مخبيها

تغسل أرضيه.. حزنك

اللى معشش فيها البوم

فضىفض .. حتى لنفسك ..

يمكن ترتاح وبصوت عالى اصرخ الكون قدامك لسه

ب

ر

1

_

• • • •

. . . .

صرخة عذاب

بترج ليلك يا سكات

فارد جناحك ..

ع المداين

بتشق حارات البدن ..

والروح

تزرع ضفاير ..

طايره في المسافات

بتهز في قلب النخيل

وما فيش بلح ..

ع الأرض طارح ..

للولاد المحرومين

صار البدن ..

قايد حريق جوايا .. من مر السنين حتى المطر ... واقف على حدودي الحزينه .. رافض نزول مخنوقه أحلامنا البريئه تعبت من الدوران ضايعه ف شوارع عمرنا المنسيه مرميه في خطاوي البشر ... أهات ولمين يا بحر أبوح تاهت شيطوطك جوه في شراع المراكب حتى انت يا عصفور يا عاشق للسحاب ..

والنور مطلوق ولكن .. بالهموم مربوط أنا مش حاموت مصلوب على كف انتظار الخوف وعيون حبيبتى مفتوحين ومحرومين .. ومحرومين ..

الواد الماشىي ..

وشايل على كتفه هموم الدنيا

ومخبى ف قلب ضلوعه ..

أهاته ..

بيوزع ع الأولاد الفارشيه

الحاره عياط ..

ضحكاته

الواد الفاتح قلبه مطارح ..

ساعت كل الناس ..

واما يقابلك في الشارع

يتبسم.. ويقولك ..

كيف الأحوال؟

بنوتك بقى عمرها كام؟

الواد اللي تحويشة عمره ..

حصيره وكنبه ..

47 —-

ف أخر يومه .. بيرمى عليها همومه يجمع أحلامه ف أحضانه .. ينام. قلقان بيونس نفسه الخايفه من الأيام .. وتصحيه عفاريت حكاياته على بنت جميله .. قليلة الحيله .. نزلت من قطر حياته بداية المشوار. الواد اللي مصاحب كل عيال الحاره وعمره ما زعّل حد .. الشارب من طين الأرض من ساسه لراسه ماسك في إيديه كراسه لجل ما يفهم

فى الأحوال الجويه لقلوب الناس . الواد اللى الدنيا .. اديت له نصيبه تالت ومتلت م الأحزان واما الدايره عليه بتضيق تلاقيه يا صديق واقف على بوابة الفجر وفارد دراعاته ومستنى ...

جربت تنام زیی یوماتی ىعد الساعه ماتدق سته الصبح إن مره حاولت ونمت ف آخر الليل تقوم مفزوع م الخوف جربت الوحده بجد لما تكون مشتاق .. تسمع صوت إنسان تقعد مستنى ٠٠ رنة تليفون حتى ان كانت نمره غلط جربت تكون محتاج ..

لحاجات من حقك

لكن مش قادر على تحقيقها جربت الشوق لحبيب بينه وبينك خطوات لكنه بعيد وبتحلم يدخل من بابك اللى ماحدش فكر مره .. يدق عليه جربت تقابل في الشارع واحد صاحبك .. أول مره يشوفك من كام عام تحكى له احوالك .. بالتفصيل فتحس براحه كبيره وإن الهم انزاح وتحاول تضحك من قلبك لكن ما بتقدرش

وف لحظه يبص ف ساعته

ويقولك أسف جداً .. مضطر امشى يرحل ويسيبك مع أحزانك جربت الحرمان .. من بنوته كانت ماليه عليك الدنيا ضحك ولعب جربت تكون ماشى فى جنازة واحد ميت زيك عمال تبكى على روحك المستنيه – بس – شهاده موت رسمیه وحتة نعش جربت الحزن .. اما يعشش في ضلوعك يجرى جوه الدم جربت البكا ..

55 —

عز الناس ما بتضحك جربت تكون مش فاكر ... بالضبط وبالتحديد أخر مره كنت سعيد آخر مره نزلت فيها دموعك .. م الفرحه وأخر مره لقيت إنسان يفتح لك قلبه .. بصدق وحب وآخر مره حاولت .. إنك تنهى قصيدتك بنهایه سعیده وفشلت

الحياه ..

مش بس لقمه وشبای ونوم ..

وزحام شوارع .. وناس ..

مدينه زي غول ..

الحياه ..

ضحكة ولاد ...

وخلق تسوى وخلق ما تسواش

الحياه ..

برضه مش كسوة عيال ..

مصاریف مدارس ..

درس خاص ۰۰۰

أو مرتب قبل يوم اتنين ..

يكون خلصان

شغل تانى بعد نومة الضهر ..

لجل تقدر توصل الأيام

الحياه ..

مش ضهر محنى من طابور

الصبر ..

وعمر عدى من إيدينا

الحياه ..

أم وحبيبه وقلب عاشق ..

الحياه ..

صاحب يصون العشره ما يخونهاش

الحياه ..

ازاى تكون وقت الهجير

ضل لغريب ..

وقلب يقدر ينفتح للكل.

بيموت ..

من كل الأشياء حواليه

م الخوف ..

م الوحده ..

م الليل

من نظرات الناس

من سؤالات بتدور في دماغه ...

مش لاقيه جواب

من أصحابه اللي سابوا قلبه ينزف ...

من غير ما يغطوه حتى بورقة جرنان

من جسمه اللي مش قادر يتحمل

م الهم اللي مجرجر روحه على الأسفلت ..

لسابع ارض

من عقله اللي مش عارف يستوعب ٠٠

إن الكون زى ما بيدور

الناس برضه بتتغير

فى اليوم الواحد أكتر من مره

من أنفاسه المهدوده

وخطواته المحسوبه

وأفراحه المسروقه

من أيامه اللي بتطرح شوك ..

أكتر م الورد

ومن غير طعم ولون

من عمره الضبايع منه هباء

من قلقه ف عز الليل

الرافض يمشى

من قلبه اللي مانامشي

بيموت ..

والدنيا عليه بتضيق

رغم بساطة أحلامه

بيموت ..

علشان هو مسالم أكتر م اللازم

بيموت ..

علشان الحته اللي ف صدره ..

مش بتبطل دق

بيموت ..

اكمنه طيب جدًا

بيموت ..

ويموت ..

ويموت ..

صدرك مش قادر يتحمل..

لزحمه

وضحيج المدن الغبى ..

والدخان ..

والعجز اليومى

حتى العيل الطالل من عينك

خایف یکبر ..

وتضيع منه براءته

متهيأ له ...

إن طفولته دى ..

أحسن شيء في الدنيا

فاكر ..

وانت بتلعب فى الحاره وأبوك راجع م الشعل فى إيديه كيس العسليه

فاكر ..

حوش مدرسة امبابه

وطابور الصبح

ونشيد «والله زمان يا سلاحي»

حصم التاريخ ..

أستاذنا حسن

هاكر في العيد.

لما أبوك كان يديلك قرش بحاله

تشبرق بيه نفسك ع الآخر

والبت هدى بتضحك

وتشاور على بياع الترمس

قلبك طاير م الفرحه

فاكر ..

ساعة الغدا عند جيرانك

طعم اللقمه حلو بجد

الأيام دى ..

70

كانت مليانه بركه وحب

وناس بتخاف على بعض

ς.

... كبرت منك لايام غصبن عنك ..

شابت

حطت على راسك راقات م الحزن .. واحساس بالغربه كبير

بتحن ۰۰۰

ترجع تانى صىغير

مش راح تقدر

ولا حتى الأيام ح تسيبك

لكن ممكن ترحل

... بشویش

وتكون مطمن خالص ..

إنه ما حدش راح يسال

. عنك

اركن شنطه أحزانك

جنب الحيط ..

وامشى ..

يمكن ..

تتسرسب منها ..

ليالي العمر ..

المعجونه ..

بطعم المر ..

اشطب إسمك ..

من جوه بطاقتك ..

غير عنوانك ..

وملامحك ..

اجمع كل حروف الأحزان ..

من أشعارك

من أيامك ...

ارميها ف عرض البحر

للم أشلاءك ...

من رمل الدهر

اوعى تبص وراك ..

لاحسن فرعون

ع الشبط التاني ..

مستنيك ..

والشمس بعيده ..

راكبه حصان الضي

وبتتمختر ..

من حظك ..

من بؤسك ..

يأسك ٠٠

بتشوفها تميل ..

وتقع ..

تتكسر ..

أملك يتبعتر ..

اجرى ..

اتشطر..

اسحب م الفجر خيوطه

نوّر ..

يمكن ..

لحظة صفاع الكون تظهر

يمكن ...

77 —

حط الحمام ع السور بطل يحوم ويدور شفت البكا في عينيه حزين كده من إيه ؟ قال لي وطنا اسير وجناحه بات مكسور

* * *

حط الحمام ع الدكه جاى م المدينه ومكه شميت فيه ريحة النبى سيألته فين الجهاد جاوبنى تاه فى السكه

* * *

حط الحمام ع السارى لامم عياله ف دارى

متجمعين ع اللقمه متوحدين ع الكلمه دخل الغراب بالليل حطم لى أوتارى

حط الحمام يا وطن زادت عليه المحن جريح وماله سكن سألته ليه بتئن قال لى بعدنا كتير والغربه أفدح تمن

* * *

حط الحمام ع الأرض لاطار بطول ولا عرض سائلته ليه بتكن قال لى الوطن ده العرض وحمايته أكبر فرض

دنیتنا اهی بتلف والکون کمان بیلف لفه ورا لفه واحنا معاه بنلف

. . . .

ليه خير قلوبنا جف وبعدت الأحلام ليه اترسم ع الكف الكدب والأوهام

. . . .

القطر صفر توت يالا بنا نسافر والعمر بينا يفوت والعمر بينا يفوت والفرح عنا مهاجر

.

مجنون يقولوا خف عاقل وليه اتهف دلوقتى جوه الصوره بكره تكون ع الرف

. . . .

عروسه آخر موضه بنت بملایه لف قصرك بعشرین أوضه زی اللی ساكن كهف

. . . .

تعلا وتنزل ف ثانیه تکسب وتخسر ألوف دنیا یا صاحبی فانیه واحنا علیها ضیوف

.

دنیا عجیبه عجب تدینا من غیر سبب ولما تقلب علینا

نلعن أبوها ظروف

.

نصيحه من قلب مخلص خليك كعابر سبيل وبجد حب واخلص واعمل ليوم الرحيل

سهران للفجر ..

وواقف ..

على طراطيف رجليك

عمال بتشب ...

لفوق

مش هامك ...

رعشة خوف ..

في الدم بتجري

وتبص يمين ..

وتبص شمال

مستنى تشوف ..

للفرح هلال

ده محال ..

ويًاك ..

عقد.. موثق أبدى

من مصلحة الأحزان مين غيرك يقدر ..

يدفع فواتيرك

مكتوبه ..

بدمع عينيك

مطحونه ..

على أسنان النسوان

قاعده كوابيس الحزن ...

بيبان

حاسبين دقات قلبك

حاسبين ..

خطوات رجليك

بيشاوروا عليك ..

مسكين

عدی ..

فوق جسر الصبر

المدود

جوانا سنين ماركة أيوب انشر أحلامك .. على حبل غسيل والشمس الطالعه .. من النيل مولوده .. من عتمة ليل وف قلب ضلوع لساك .. مخدوع مستنى للفرح طلوع ؟!

لساك متدارى م العفاريت ..

ماشي جنب الحيط ..

ومطاطى ..

للريح العاتي

لما يفوت ..

خايف.. لتموت

والا يدوسك ندل حويط

مليان جبروت

ومعلق روحك في النقطه ...

التايهه ..

ف وسط محيط

وحسيس ..

إن ظلمك قلب ...

خسيس

مش ممكن ع الحق تحيد

وبتحلم بالزمن الماضى والجيب لو فاضى برضك. راضى وسعيد وقنوع .. مهما تجوع علشان قلبك بكر نضيف ما بيعرفش التزييف ما بيعرفش التزييف راح تفضل طول العمر عبيط ..

الفهسرس

الإهــداء	
ســمــاح	
مشهد الوداع الإسبوعي ١٣	
البنت الحلوه ١٧	
أحــــــــــــــــــــــــــــــــــــ	
الصوره مليانه دموع٧٢	
مـجنون ٣٣	
لماين أبوح ٣٩	
الواد وحكايته ٥٤	
قصيدة لواحد كان عايش١٥	
قصيدة لواحد كان عايش١٥ طابور الصبر٧٥	
طابور الصبر٧٥	
طابور الصبر ٥٧ مين يرد الروح لجسمه ١٦ عيل خايف يكبر ٧٦٠	
طابور الصبر٧٥ مين يرد الروح لجسمه١٦	
طابور الصبر مين يرد الروح لجسمه مين يرد الروح لجسمه عيل خايف يكبر محاولة نسيان فاشله محاولة نسيان فاشله	
طابور الصبر	

صدر مؤخرا من هذه السلسلة

١٤ – ١٢ جمحمد بخيت
١٣٨- أشياء تحدث يوميًادعاء عبد العزيز
١٣٩- يا عم عبد اللهوحيد أمين
١٤٠-أوراد ليست منشقةمسعود حامد
١٤١ – صيف المدن أحمد سليمان
١٤٢ - أبدية الثلوج الملونةنجلاء محرم
١٤٢- حضن المسكالساهر شرقاوى
٤٤٤ – موال الصبر والليلعادل صابر
٥٤١- احتقانممدوح رزق
١٤٦- لماذا أنت دونهم١٠عاطف محمد عبد المجيد
١٤٧ – البحر كالعادةنالبهاء حسين
۱٤۸ - جسد بارد بلا تفاصیلانحمد قرنی
١٤٩ مخلوقات الليلمخلوقات الليل
٠٥٠ – ظل العائلةعيد عبد الحليم

ЮО —

١٥١ - قف على قبرىمحمد داود
١٥٢- المغيبعبد الرحيم
١٥٣- بنت ليلسين الفخراني
١٥٤ – لكن التراجيديا غلبتنىمصطفى عباده
٥٥١ – فتنة الزَّجّاجالسيد رشاد
١٥٦- الذبيحةعلى الفقى
١٥٧- العطشأشرف الصباغ
۱۵۸- وشم على ريم افراغ خالد أمين حجازى
٩٥١- للأحبة أن يموتوا أشرف عويس
١٦٠- لوحدكمحمود فهمى
١٦١- امرأة تعزف على الأسلاك حسن غريب أحمد
١٦٢ – دوامة بتحدف غرب الكونحامد أنور
١٦٢- مواسم ما بعد العشق محمد جاد المولى العمارى
١٦٤ - ثقب في الهواء بطول قامتي محمد أبو زيد
١٦٥- والنار
١٦٦- وردة لا تبوحعواطف يونس
١٦٧ - بغداد لا أحد جمال عبد المعتمد
١٦٨ - الروح تسام أحيانا محمود أبو عيشة

١٦٩- أول شعرة بيضاعصام خميس
١٧٠ - اشتعالات الوداع أحمد كمال زكي
١٧١ - وردة للخونةمحمد عبد النبى
١٧١ - ياقوتة البعث جمال محمود النساج
١٧١- أوراق من ذاكرة الموجمحمد حسين
١٧٤- البنت والأشياء جلاء الطيرى
١٧٠- يا دوب تلحقمحمود عبد الباسط
٦٧٠- ربما كالآخرينالسماء شهاب الدين
١٧١ - مشاهد من دفتر الذاكرة عصام عبد العزيز
١٧٧- إيقاعات مختلفة جدا حمدى إبراهيم محمد
١٧٥- عناقيد سلوى عبد المنعم العقبي
١٨٠ - أنا مرة أخرى العزيز
١٨١- ضد هذى الشوارع عبد الناصر أحمد
١٨١- القاعالشافعي
١٨١- المحفوفة بالبرق غادة عبد الفتاح
١٨٤- الألوان المتحدةمحمود سليمان
۱۸۵- ریحة زمان مدحت العیسوی
١٨٦- لا دمع يعصم شرقيا إبراهيم سليم
١٨١- من حوارات البراءةمدى على الدين

١٨٨- عايز اغنى ناصر محمود
١٨٩- سلفني روحك يا إبراهيم جمال عدوى
١٩٠- إلى نقطة ما أيمن حسين
١٩١- محاولة للانفلاتعماد أبو زيد
١٩٢- جسدى الذى هناك سىعيد الوكيل
١٩٣- حكايات الأستاذمصطفى سليمان
١٩٤- عراف الأسفلتخالد بسيوني
١٩٥- ابتسم لي يا محمدمحمد جلال سليم
١٩٦- مزيد من الوقتطلعت
١٩٧- من حكايات سنورس أشرف نصر
١٩٨- عمود رخامي في منتصف الطبة هاني عبد المريد
١٩٩- ألبوم الأموات أيمن علم الدين
٢٠٠- احتفالية تقليدية للحزن أحمد لطفى رشوان
٢٠١- شوارع ليست مدينة لأحد أيمن كيلاني
٢٠٢ - بعلم الوصولولمحمد على عزب
٢٠٢ - الموت حليف الأوليا المرى عبد الحميد
٢٠٤- قاطرة سوداء تدهمنا محمود سيف الدين
٥٠٠- رحلة سيوسيووو
٢٠٦- الضفة الأخرىمحمد علاء الدين

تتميز هذه القصائد بصدق التعامل مع التجربة الإنسانية، والدخول ببساطة في حكايا النفس ومنابع أحزانها رصداً للواقع الضاغط على الذات.

والدبوان - في مجمله - أغنية شحية وحزينة تضيف إلى دبوان العامية نكهة شخصية تحسية تحسيب

